

五
百
四
峯
堂
詩
鈔

五百四峯堂詩鈔

卷十八

順德黎 簡簡民撰

戊申年

戊申二日寄王平水三絕

殘冬廿九江上船春心搖漾屬江天誰家煙水籬
根晚判與梅花自過年

夾江寒柳未勾牙河北河南見暮鴉波心停橈避
鴉影羨汝能歸還是家

詩家容易有春光中歲心情不敢狂料取傷春與

傷別三生公案付王郎

開春連日暄妍豐年之象欣然有作惘然

有憶

花厭舊人哭新年更

平聲故枝看花感性命回首默

低垂日色開生氣天心與盛時災荒休重說雨

露實無私

賊散清波戰巢燒白燕軍捲旗天際柳歸夢海東
雲今日平淮頌誰家北斗文腐儒遙起舞花袂攬

續紛

桃李

桃李心情苦自知無言憔悴有花時肯輸紅豆生
南國要爲寒梅續北枝香界夢魂天醞釀春江雲
月夜迷離青山處處登臺好似暗如明足怨思

丁未十二月爲李正夫

始大
正夫別

書則經堂堂

額開春作詩寄之

正夫別
名祕大

平生書極則經堂虎死龍殮朽骨香聞爾書空蹠
足睡眼花襟上走雲光

名堂樵老餘三字作記張郎有八分更五百年人
載酒龍門聲價到初雲

復題寄正夫二首

渡頭微雨籠斜陽一个雷峰凝水光盡漚空青染
江色橫波人影綠衣裳

佛山橫水
渡有雷峯

花藥洲邊飛鷺明鷺潭水氣暮山青碧天一點鏡

中雪點破黑松烟雨亭

羊城西有花藥洲南
有烟雨井井上有亭

微雨四絕句

海東晴後片雲飛應覆花村幾日歸斷雨零風似

相識故吹香氣濕塵衣

朝來初雨粉初花嫩日癡雲釀歲華天暗川光遠
春靜鏡中桃李有人家

簷邊花雨僅沾衫樓外蘋風不飽帆何人人日人
閒世不自懷人對此堪

春風旗帶指西飛東海歌聲戰士歸入城一路花

爭笑雨薄花明照錦衣

陳湘舟挽歌七首

陳湘舟名襯芳字若蘭世稱陳三以丁未十一

月某
日率

腹稿平生萬首強六旬一字不遺忘邇來遊鬼詞

中景補入先生夜錦堂

陳三詩不存稿然自少至老歷歷可誦嘗作遊鬼詞

數十首語皆奇絕又自名其詩曰夜錦堂集

廣陵真不在人間一世詩豪只麼閑學古自矜長

慶集好名翻笑白香山

三生真是柳屯田柳外青山下逝川蟬蛻美人醇

酒畔鶯潭殘月曉風禪

陳三嘗語予一夕舟中與妓話至五鼓見江天茫茫

曉風殘月因思柳七恍如前身不覺泣下自是內修梵行

吹燈辭影影辭身不病維摩病不真鼻觀有聞無

語候眼前來哭者何人

陳三無病三更始眠而瘡作時與故妓某處城西別

室兒女居對河比至

猶能視而無語矣

鋒稜驚坐貌陳三左顧掀髯罵不堪爲數幾人流汗處一生私喜一時慙

看某多到謝公整雲雨江山坦掌唇長此柳絲書館柳雲旗風旆遠招魂

暮年風雨叫天人久未齋糧遽返真編曲鼓琴新鬼餒知君窮死笑生貧

雨

雨斜風細上春臺不見虛空雨脚來千里凍雲浮
地軟一川明水互天開中年景物多情話回首東
南問劫灰從此歲豐仍乞食陶潛何用有韓才

早春盧葉二友人相過

臥起晨餐已似昏天陰蘚瓦蝕雲痕力空此室吾
無病夢後西堂客叩門性命年來交意切詩歌春
浹物情溫爲儒望歲資吟咏布穀新聲下水邨

穀日展禪病圖

東鄰落花影花日照羅敷粉暗容光老年深夢境

粗不虛留法體涉想寄冥途佳節人間有離居地下無

寄謝蓋臣

水未深青柳未絲先生何物到新詩暗桃明李誰
家樹浪軟蘋香渡海時雲去夜墀鈎月竹

謝近工
墨竹

衣添春苑覆風旗陳琳未草軍中檄安石無心別

墅暮去年令弟赴臺灣欲偕陳三不果比此凱師而陳三作古矣蓋臣與陳三交厚言之常廢飲

食

讀海雪堂詩

黑水烏蠻念昔時
瘴花紅紫錦囊詩
中年哀樂過人絕
前輩飛騰顧我遲
破塚故墟聊竄命
夢雲靈雨付抽思
曲江風度波千頃
莫愧陽冰接李斯

正月十六夜散步還客居作

林犬嗔人火散鴉
邨雲思雨月憐花
濃醺酒力開缸面
淺苗春心較艸芽
縑素兩端新已故
兒童差長客爲家
梅邊竹裏無消息
斷夢零雲有怨嗟

五更

花氣清於月色清
瑤天歸鶴叫人聲
紛纏苦夢過

元夜要自誰家不五更向壁檠光沈穗小入窓梅影壓襟橫希微道息春寒似廻薄虛無自踵生

詠柳

三月低雲勦不開連天跪地護樓臺看花緩緩春堤遠迎騎茸茸暮雨來慘綠正渾年少服宮黃曾綴壽陽梅水深波暗迷離月不許棲鳥見影猜

佳日

五柳先生靜自知春秋佳日並多詩戊申元正

去聲

領甲子雲物壹緼占歲時好爲齊民編要術恰當

閩海唱還師五風十雨登臺望動植熙熙有慕思

春游寄正夫

桃李窺人出土牆牆根行袂渲花光鳥拋軟語丸
九落雨翼新風汎汎涼過去災凶餘性命詩書門
戶首畔桑種松已似佳兒否昨見趨庭似爾長

讀禊帖有感因寄李正夫乞此帖

兩旬吟夢睡蒙頭白日花川雙白鷗今夕古懽遙
屈指青春金縷幾青樓出迷阿難悲投地落水王
孫慎泛舟諸妄都空惟有此他年書墓是相酬

寄石帆

閱死憂生兀兩年春來買醉倘餘錢聖賢酒理持
中論辭賦生涯謝側篇牆暗蘚雲青照雨野吹苗
浪碧黏天晴須兩槳三山去十二赤城開木棉

雨中感作

饑年飽驗風雲色一東一西狼籍爲已似江河向
身瀉忽看山嶽作塵吹社公社毋新水節春夢春
寒紅杏枝膚寸連旬容易有沄沄田綠軟如絲

與汪明經竹東

昌黎

香山一住淹旬日九日君過十八回令客倦遊虛從騎詩人隨處護新苔後先暖席停雲合竹東舊居彭令
西席煙水寒城細雨來看寫蓬瀛淺三寸莫辭羈旅百深杯

鄭庶常文川

應元

兄弟席上作四月二日

十年同學我兄君萬里殊途泥憶雲玉局吾將道雌守金門誰可薦雄文浮天煙艇鷗波軟繆地桐英鳳翼芬棉樹西山半邊日晚花餘絳照殘醺山西

有宋時六棉是日猶餘一花

彭明府竹林翥席上

隔城山翠動涼氣時雨吹花益酒薰東里歌辭傳

太史

鄭文川時方爲彭令製屏文

南邨農事訪徵君薄遊客館

容稱病如市臣門半課文飲水已甘相見好四年

西夢峽山雲

予以乙巳識於端州時令封川

彭侯欲以西峰寺館子爲僧所却旋得居

停作詩呈彭侯不必示僧

居士毘耶室自空不妨獅子至天龍已同槐樹心

無火

客舍有槐

莫示蓮花舌有鋒長者布金祇樹界

新侯

修茲寺

何人貽句木蘭鐘未離地病還吾病詎以儒

宗縛梵宗

香山縣齋贈汪竹東

水光浮地邑多寒海氣低沉城裏山下國朝昏易
雲雨東牆幽怨伺煙鬟河沙界內吾求食五百峯
頭汝共還不爾兩樵開亦得空堂猿叫落孱顏

香山暇日與諸公登衙內小山晚眺

周遭萬室山光裏又送諸山入海光帆影似鴉投
艸樹人煙如霧失青蒼登臨我邑猶茲邑昨夢還

鄉却異鄉予時寄家佛山已去家書風便否老年懷抱易悲傷

戊申四月廿六日題

去臘大寒南日暖今年四月袷衣涼

農謠大寒暖多冷煞早禾

川光柳暗辭春雨暮煙朝况水鄉首夏正傳苗葉短餘荒猶見歲時長慈烏有子斥鶩笑百里此行無宿糧

五月一日香山客舍咏懷三十六韻

昨者四月朔夜黑放巨艘風雨去夜濶波濤歸夢

浮百里悶一物迷悶趨深幽忽然何處峰飛翠落
枕頭舟定身意湧麥涼城郭秋居停得槐館清冷
宜棉裘槐樹如柳樹末枝纖以柔客心似槐葉搖
搖懸不休時登城西山六棉千尺脩想見落日影
覆城無少留來時曠孤花一珠纏六虬破月始一
眺多雨添衆流徑使平遠山出水如覆甌試問三
十日一日不雨不且計百廿日幾日簷滴收兩年
近苦旱茲溢前所求香山足食地餘且濟廣州舊
穀已示盡新穀望有瘳米賈于此邑萬舶無一投

比者米轉貴內撻勞邑矣

彭先生竹林

我來坐而食一

啖集百憂親老不厭精無肉且澀喉寄書語妻子

今朝備甘餚老人喜時節骨肉相綢繆色笑倘不

真飲食翻倍愁嗟哉士窮賤有願難自由多思却

無夢夢亦境不侔望遠聊自慰雨色低滄洲遙知

長兄心高拭千里眸謂有季也在不貽鄰舍羞別

路無遠近舉足成迢遙豈知弟斯時復賴有阿彪

識字得梨栗一解廻腸抽孤檠照行坐畢生多悔

尤那堪異地樹掃瓦風颼颼奈何竟夜雨伏枕長

悠悠

雞鳴

香山作
三首

獨警郵雞已五年四更潮月靜江天香山水澗雞鳴早不到泉臺人獨眠

花邨生物歲荒餘祝祝雌雞始引雛未趁子潮喧曙枕老人殘夢滿江湖

家君昨從佛
山還鄉庄

掃瓦高槐夜百驚雨中海內十年情雞聲遠遠灘聲近雜與孤篷風雨聲

香山縣齋雜詩

萬瓦青陰歛夕曛
滿城風雨七山雲
不知城外天低海浪白
山青兩不分

只聽槐聲是雨聲
古牆燈暈暗
寒生今年坐得愁
霖慣樹杪星光忽報晴

賢令幽尋挾嘉客
不會稱病似相如
郎官車騎雲

填道中有淵明軟足輿

時頗患腳氣浴木瓜湯

後園叢木小崢嶸
八面雲巒趁此亭
西日東流相
背急對人無語晚
山青

衙齋後小亭上有亭

向晚風棉葉似雷
沈山雨脚揭江來
不愁客纍無

煙火吹折當門兩股槐

逾月應須旬有神蒙頭歸夢故池春西峯五月哉

生月六木棉梢一岸巾

香山縣衙後山置酒小亭亭後有宋時陳

君墓

山頭有墳古陳公幾番老死墳頭榕榕樹何年有
棲鶴飛渡滄江認城郭西山木棉千丈陰東影氣
合江流深人閒落照辭今日筵上新知同古心北
來千山勒海口欲化波濤向東走惟茲七阜犄角

雄倨強似掣天吳肘中阜之墳幾時有孤城萬室
猶墳後後人思我今日醉前事酬君一杯酒君不
見墳前城下江滔滔日夕急去增海濤海水直下
三山高神仙不來來亦勞秦橋古血死灰色瓊田
艸黃生野蒿

不寐

中年愁不寐前事全叢心哀樂何人在江流去日
深葉辭風病樹影落露棲禽照榻思家月新篁長
故陰

落月香山縣後山亭作貽何三方大在劉

二書堂

諸天落月靜殘夢
大江浮林暗山亭
夜城光野水
秋最傳謝客句
何在庾家樓
更否邀狂簡蒼茫厭
獨遊

香山別方應復

天根 刘善翹 學海 還佛山

爲韋家歸村莊之計

琴德新堂遣秋瘞
藥烟小閣憶秋風
初當七月深
雲露已破三年別
竹桐謝病君能諒
司馬寄家人

漸識梁鴻花邨仙館芙蓉晚倘問花船有路通

泊都寧

西去十里卽吾鄉也
香山還佛山經過

十年今夜忽都寧柳直山橫小驛亭雲脚電明分
雨黑濤頭江壓飽帆艎潭洲洋魚舶花農晚渡時相值
漁女歌音近可聽轉去他鄉問家室木棉邨口送

揚舲

舟夜懷方應復

低雲如遠樹高柳似孤峯水作沙光白煙爲月質
濃都裁沾雨氣稍未有秋容此妙方干解吟時到

筆鋒

歸心

四載離鄉三載飢廿家爲里十家非樹根父老餘
生話花裏漁人得路歸燕懶候門秋闌絕竹重開
徑夢依俙繙蕪山下遙回首已是新人弄素機

魚塘海

空蒙山影互雲汀一漲湖光十里青尺半魚游故
鄉水上頭風打斷根萍花飛蘆荻寒兼月露下芙蓉
夜見星憶是信舟携酒處遠天橫玉叫秋溟

橫江渡

蒹葭夕日遠蟋蟀野塘涼餘夏雲輪赤立秋天露
香地寬喬木短江影暮帆長誰信故鄉外扁舟望
故鄉

街西老樹寫別

老樹三年月南村乞食還高枝啼露鳥落影動柴
關去汝街西社看花海上山芙蓉繞江屋三折櫂

秋灣

木棉寫別

他鄉歲時記當戶木棉春三見花開落長如樹主人
邨頭似峯影天外挿江濱昨日看吾過將迎何

太頻

前詩所云
樹口木棉

寄彭香山

七月歸帆出海東江天白露試青楓北囱樹底南
州楊剩許淵明六月風

山下小齋彭君館予處

寄方應復

槐影離離黏蘚紋逢逢東西南北雲舍亭有客此
謝病山澤之癯初見君他日仙人能忍辱前生阿

難合多聞不遠衆香須問訊海涼花靜欲秋分

對山樓歌寄鄭庶常文川

應元

秀才遙川

應翰

兄弟

香山城環江水光城頭衆山如女牆東風吹雨西落日雲陰日色叅低昂對山樓出城中央追索變態窮荒唐獸雲立海掩日黝魚涎喫潦灑雨黃峰巒洶涌海帆蹀萬岳頃刻攢冰霜何人自展一粟內靜者廻知四大忙翰林兄弟雙鳳翔下十二城窺八荒立身真不倚家世好義豈必徵休祥一昨

開筵夏五朔七年兩度蓮重房虛當異縣咤異見
如以二難名二方無詩佞筆焉用佞便號狂簡元
非狂詩逋登樓爲君償芙蓉堆皺天青蒼冰萬應
分玉女井碧筩一吸蓮花洋元氣氤氳沁君骨秀
句卓絕爲天章我今別君還衆香四十二河沙故
鄉兼君一十八人社閑我五百四峯堂浦風水雲
楓葉涼橫江鶴飛鳴自傷去時宿春百里糧遠來
海澨三寸強故山羽族本同氣玉樹巢覆金桃殼
低徊寄聲雙鳳凰飛捨且願於榆枋鄭君嘗要予
作重房蓮花

詩未有以應歸
後却寄此詩也

雨七月廿日

晚雨拂空清秋雲渡水輕歸飛雙燕濕涼色一峯
明葉打橫江櫂風疏獨樹營幾年澣瓦響應換竹

梧聲

橫江頭獨樹營
皆吾鄉地名也

期以八月十日還家二日作詩畱別佛山

交遊

月照一邱花攜家人到家水光知木落竹影轉燈
斜三載經炊玉今秋得及瓜吾生半流寓茲別倍

堪嗟

八月十日挈家還邨莊詩貽諸昆弟故人

見大烏岡眼力明水風花月足歸情虛將別日驚
朋友厭數饑年得弟兄故里喜聞秋社鼓橫江閑
煞戍樓鉦誰知病客幽篁下淚作霜枝泣露聲

夜聽雨曉起行園贈李潛夫

龍山村作

瓦碧樵陰重西樵甚近堂寒燈影昏水雲低候鴈江雨

響秋邨宿露莎雞艸風蘿牡蠣垣吾家此時物肯

入汝芳園

別李潛夫歸數日舟中得詩寄之

松陰紓護海山影遠如雲葉擁秋帆轉風衝陣鴈
分暮懷寒艸色離席宿香熏溪曲芙蓉館深花夜
夢君

中庭

柳外天清歸暮鴉一峰猶薄夕陽花關心外物通
迷悟感逝中庭足歎嗟艸暗屢痕餘蟋蟀池荒鴻
影問蝦墓悼亡潘岳慵題賦久客梁鴻識有家

秋野

秋雲帶落葉狼藉攬天飛迴野荒寒囁平蕪動夕
暉古愁鬱新句世路止柴扉往日遠遊子西風驗
素衣

村岸感咏

蒼然海上雨鴈背落秋陰楓葉留殘日蘆花怯薄
襟文園舊消渴詩義古傷心近喜維摩飯兼能飽

野禽

月下作

水月還鄉潤他鄉見月時圓因窺後井方可滿前

墀夢裏秋官社街西老樹枝三年舊烏鳥啼苦或
相思

細竹

細竹初生瑣碎枝故穿蹊印故當墀舊揩春粉人
何見小和秋聲汝豈悲寫影新傳鐵釣鎖招魂箒
製玉參差纖纖約素亭亭立却似當時無語時

落月

蕭蕭葭露白碎碎水紋黃落月人閒世遙天我一
方聽雞因病起有鴈叫羣翔不覺垂私泣西風結

面霜

暇日與諸公慈度寺致師方丈

松風落霜子秋寺瞰山光路靜入烟晚溪深僧影
長衣衿振花屑村樹觀禪香國土茲嚴淨憑師作
道場

獨步村口成咏

萬樹澗紅似夕陽天陰寒浪揭湖光霜黏鴈背菰
蒲白村少禽聲櫂極黃散木拳攀廻匠石病駒懨
悵負孫陽苦心詩卷多何補不及支離播乾糧

社樹

老樹空靈似有神
彌藤暮歲寒
身三年里巷啼
饑鬼幾个秋
成報社人自我無
家一爲別衆生有
病不曾春
今還五穀穰穰熟
來歲長枝日日新

五羊客舍感咏

海日憔悴光
照我花下廬扁舟
昨夜風去吹簷外
梧我自行未歸復
此聊僦居憶我昔
還家病妻親
下厨甘羹奉藜莧
花塵拂襟裾死別
今五年往事
入模糊常恐日月遠
漸令魂夢疎熟知
夢增憂彷

彷彿亦勝無無使地下人獨自懷故夫昔時織縑者
織素已有餘衣新著成故人異義不殊心情一鹵
莽鬼亦鹵莽子天寒歛燈光客舍靜更虛唧唧呻
餓鼠鰥鰥勞夜魚夜長不得曉歸夢乃須臾落月
在我村百家啼一鳥

和廣州太守張公

道源

丁未三日韓廟

廣州太守潮陽道獻歲三日登韓廟殘梅香已拂
暖波古椽風猶肅寒嘯廟前海勢排闊白瓦上苔
陰積年碧鯨鐘噲吆四壁凍螭鼎澌泡孤烟直春

雲沈沈不狼籍翠旗金支迺青霓匹練神光落瑤
席虛帷颯颯人脉脉遙知默禱格神聽但見憂農
形義色須臾廟外韓山青蒸蒸喜氣雲開屏共傳
是日五馬歇亦似昔年南岳靈船頭逢逢打鼓鳴
使君發船吉日晴光風汎汎神送行綠波悠悠搖
旆旌艤舟江路夜吟聲隔桃李花明夜檠魂清意
誠結幽夢新詩自與神官評朝來一字險破膽昂
上五雲光射晴五雲飛翔散好語化作千里車後
雨五色仙禾穗兩岐一騎行騶天尺五

廣州張太守清蔭園席上作兼呈邱南澳

楊崖州是日小除薄宣歸興二十四韻

用古
通

百姓含哺了先生飲水甘政閑并歲暮下士侍高
談清蔭來農隙嘉名第筆尖賞心中十六凡十六處皆有詩
儲食外餘三先路憂彌縫爲山式具瞻樹同將
母壽池照約躬廉狂簡薦堯入園官蒼茫芟景多
難給目愛重不容謙老桂吹金粟寒榕挂古髯城
頭落遠黛水底皴晴嵐兩接高軒客齊停跨海帆

論詩風蘊藉堅坐日清酣密席開梅舫疎枝寫月
簷華燈波瓊碎綠酒竹脩纖人影雪爲壁書聲花
隔簾飲綠文字久羣是鶯鶠兼士語停雲末衣妨
夕露沾小除驚日月舍肉爲慈嚴越石宜安塞邱

東坡遠化信

楊登龍仰元禮倦鳥諒陶潛回首三

城晚歸風一葉恬別餘殘柳碧春拂暖江藍宛轉

青蘿嶂山名暄妍白袷衫花邨夢蝴蝶公府夜潭潭

除夕懷邱鐵香少尹兼似宗明府芥帆聖

小別歸帆衆香國大除回首六街塵
梅低矮屋窺殘醉夢入寒潮接早春吟苦定兼詩度歲署空惟對影懷人知公愛畫如宗炳見我圖中示病身

五百四峯堂詩鈔 卷十八終

五百四峯堂詩鈔卷十九

順德黎簡簡民撰

己酉年

元日

幾年作客過元日
有夢隨春入故園
判斷鄉愁會鄰里
寵光花事縱晴暄
詩工世許危言得
身賤人知獨行尊
親老兒歸况殘歲
倍常安飽弄諸孫

人日絕句二首

李清照集卷第十一
竹筍過牆靜不禁桃花隔苑熟生憎
幾年去汝歸還見不見梅窓明佛燈

昔年人日禮藥師七級佛燈燃百枝藥煙閣上逢人日不似香清人病時

與邱少尹約開歲三四日當來廣州今踰三日矣戲作絕句二首

亞枝梅颺暖波香日色山容澹沱光十里花鶯湖

一曲酒船須與老知章

邱君四明人

桃李着花才數枝客程太早春太遲一分春色四

年別梅花乞人三日期

贈宗芥瓢

江潮春滿花照潭水風花雲香撲帆波光皴空漾
白袷一箇鷺鷺明暖藍入城收鉢洗赤足呼兒開
篋穿青衫還家半月花下睡振袖花霧霏滃滯隔
歲題詩憶宗炳急欲對榻窮幽探樵夫昨持五丁
斧割取一股浮山嵐春風吹人靜煦蓋虛壁叫狹
深甜榦綠崖丹梯興突凹鬱爲迴旬爲雄談君兼
令弟才軾轍珊瑚大璞遺鐫鏡銀灣上游弄明月

天鏡一洗萬古函餘波珠璣且千斛我則測海量
詭瓶昔年金篦未刮目不識載寶填我貪愚公今
猶愚不已以力角命驅重巖太行王屋本何物乃
欲一擔東南擔君能照日見肺腑病有根柢難鋤
芟且云堅白戰好惡如就飲食殊酸鹹烟雲橐籥
一氣出或白似絮元如纖黔鵠浴烏豈本色強以
粉墨顧兩慚疾無可換笑扁鵲心已自醉緣季咸
要知真氣浩莫撓或爲風積或海涵五車多方倘
非我空爾黃馬驪牛三感君饋藥再拜受八石九

轉區仙凡始知有病佛所憫我維摩詰君瞿曇法
門不二今自得不復語言惟默參詩家入禪此三
藐實地踏脚真二南是時春空皎秋色人影墮地
瘦巉巉三城月高萬家夢世界至靜夜氣酣愛君
官舍冷於水不以家累如僧庵我亦終歲離眷屬
似禿施鬚徒絰絰六時相過一笑別不着芥蒂眠
春蠶

古樹歌

有序

邱太守鄞江故居有二松一栢乃宋時故物

也海內巨公士夫多有詩前年在南澳書囑
予爲作歌昨日數接讌坐未有以應之也今
邱君往守廉州別後爲寫作三樹係以長句
遠寄焉先是爲邱君題奚鐵生畫梅卷作長
句故卽以起興

昨題奚岡畫梅卷已似西湖初雪晴寥天颸颸風
漠漠吹我夢落君前庭庭前在昔君語我有宋三
樹森相撑兩松一栢五百歲至是與我遙通靈鬱
芊故國得喬木摩挲古先遺典型何來陌上三老

叟再拜里中諸父兄冰霜久蝕邱壑骨崛強怒餘
龍虎形萬均神力撓一寸已屈未伏勢尙橫盡令
觀者助兀奡願作壯士廻生殯盤空風霆日窰窰
積雨落蘚春迷冥雲陰近已接廿里二十里雲
邱君居處

碧遠疑連四明先生昔戴華陽冠三層高閣翻道
經喀爾隱几得天籟冷然小和平吹玉笙君看細
鏤皴疊折似嚙海岸波痕青蔽牛一賞漆園吏歸
鶴幾見遼東丁憶君初來度梅嶠曲江手蹟奇崢
嶸側帽寒吹白日外長風驅入滄濤聲古梅月店

天半睡鄉夢吾廬林下行十年風雨變鬚髮不減
幽興隨官程官能詩句秀蔚蔚得勿此樹苞元精
前年伯牙在海上天水浩浩琴獨鳴裁書索我咏
嘉木又諒荒歲無詩情三年別日世路濶萬物復
命吾詩成詩成寄君向合浦更寫三樹爲翠屏屏
以充君歲寒操詩爲太守畱清名他時歸橐愧陸
賈但可不愧還珠亭

二月五日作

計日晴過百聞雷忽異常江波橫捲地城壁甚垂

堂病鬱中俱解雲寒低更長老親藤杖在扶雨看
新秧

始聞雷寄友

小樓春過日異地夜聞雷花節蕭條雨鄉愁瀲灔
杯離居將夢補天運與人回勸且推茲理暄陽到
濕灰

細雨

江雲壓城上城影入春陰陰重寒霏雨風廻軟濕
襟社遲容閉蟬花午褪歸禽濁酒西堂晚明當碧

水深

六載

六載桐篁三尺墳不因寒食始憐君春如作夢天
多雨別到今年地有雲燃紙蝶灰風栩栩遺衣蟬
蛻霧熏熏剝心禿管看成塚墮淚碑成未勒文

己酉四月絕句三首

龍眼花時蜂滿村溪流濃綠濯堤痕花光晚
雲狼藉故作驕晴故晝昏

龍眼花落水水渾綠無雨致苦不可飮

廟瓦璁碧艸煙西淋山翠漾江天天光淨綠飛

晴雪剩見清明幾陌錢

壇覆雲根老栢庭社公袍笏蘚紋青一從社後無
風雨可乞身邊社母靈

粵社祀以卵石俗以社日
前雨爲社公雨以後爲社母

雨母

重題雨仙壇

在斗姥壇側

天姥壇高日月廻壇邊云此集風雷巖寒朽樹無
生氣雲斷香爐臘死灰到日適當丁未劫懷歸宜
築望思臺廣州故是仙人窟自牧牛羊可往來

雨仙

牧牛童子云

四日詩寄謝盡臣

昨日珠娘櫂越船，橫波南岸望津亭。
雲邊樓閣樓邊樹，獨見將軍柳樹青。

今日江雲淪淪生，風情蘊藉雨聲清。
南村老將掀髯笑，北看風吹雨入城。

往日兼君汗漫遊，春江花月作詩鈎。
去聲今來見爾如開鏡，一樣年華兩白頭。

他日人間擅畫名，倪迂邱壑懶經營。
鐵釣鎖子金

剛杵輸爾梅翁筆勢橫

謝二近
墨竹

喜雨詩與諸友

昨日同讌遊我以病獨回空雲壓扁舟相逐過海
來百里蘆葦聲黑潭屯殷雷已復見西日灼赭東
垣苦入夜自臥病瓦響生疑猜聽微若駐遠去驟
如一摧虛堂冷蕩漾著處先病骸遙知諸君興艤
舟楊柳涯燭光亂波影璀璨金銀堆離合阻半晷
喧寂同懼懷朝來竟日雨簷瀑懸崩崖轉憂滄溟
捲未防西北頽樵夫急歸夢看種雲沙隈人閒雖
四月萬物始發荄迢遞山水閒初似春登臺廻首

歌尊前酒極歌喉哀

戲寄謝盡臣

日日雨來南入城
城中不見熱塵生
心知物態安無躁
眼接山光遠益明
水底碧天深
鳥影柳邊白
裕試蟬聲新詩改
罷誰閑着晚飯
新涼寄老兵

漫題

昨日還家耳目清
不關睇聽屬花鶯
紡車妻似故人
爪織布女同
賢母聲稍謝
號寒及僮僕
優能治病費
瓢鎗更須農
具教兒輩量買僻
田租輕

初夏野曠與謝蓋臣

山田新綠水田黃高有涼雲下日光忽地陰晴走
中野一團風雨攬斜陽詩人南極心情濶老吏西
津日月長回首十年誰好在兩番門外好垂楊

春酒

樵夫終歲無齋禁飲者皆云我自然四十恒河還
故國九旬慈父喜新年鶯啼柳跪雙甘地燕啄花
熏五戊天此事少闌農事急荷鋤歸看暮炊煙

波

柳外離愁壓飽驅鳳凰岡下白鷺潭低斜雨脚青
楓浦搖漾雲絲白袷衫我欲蓮湖安屋裏人惟桃
葉稱江南最憐花落空邱月遶枕溪聲睡不堪

五月一日庭前桂花

去歲入今日客花驚客心今朝坐香樹嘉節動嘉
吟正席沾茵拜稱觴繆酒斟老人宜小苑晨砌轉
去聲清陰在昔藥烟閣於時荷葉襟香都來捲袂細
不礙彈琴午月攢星玉微陽結粟金枝長別日遠
影重夢雲深喜有團芳蜜聊無弔夜禽永懷偷藥

去蟾窟聞沉沉

雞鳴出步作

蛤吠水田殘月明
澗中涼白靜中聲
門開花落人早出
燈轉鳥飛雞亦鳴
詩在故鄉聞好語
學於中歲切深畊
海東兀兀雲千丈
更與東風曉雨成

玉溪咏柳八韻

暝江無限柳柳外暝斜曛晚春迷目煙中又水
漬遠途從此別南浦送夫君浪足船偎岸風情露
漬裙樓高尖稍出帆暮入難分寒重如能雨青多

爲借雲山容相視笑天色帶愁醺莫自驕才思題
詩觸緒紛

郊外

五月盛野色綠蕪邨氣涼渡河山亂翠暎日雨懸
光游倦詩才約年豐物澤昌雲沙此郊外空濶度
吾堂

江聲

五月夜潮生江聲挾雨聲有餘風浪勢還殷菼葭
鳴地轉沙移岸天空月蕩城寧知孤艇客安寢夢

生平

移居

新買鄰屋五月十五日移居

取容師子座聊得鵲巢居地近竹來筍堂涼蟲避
書雞裁鳴子舍燕且傳蘧廬擬築三層閣吹笙近
太虛

積水

積水夜逾高虛空壁掛刀地深青見底星冷碧無
毛禪納三天大形難一物逃吾心萬丈月不亂任

風濤

昌谷詩壁
冷掛吳刀

白花海榴十韻

故人花作骨舊種玉爲房地僻容三尺根深有十
霜昔時聊散病此夜未曾央身畔碧沈重月稍明
對當少看驚態異多簇照肌涼枝軟疑天棘叢高
勝佛桑圓垂苦李小寒劈碎冰方眼淨且忘鼻色
空寧著香惱公傷別遠如妾可憐長感物思畱子
移栽入內堂

驟雨篇

炎天石尤起西北忽到東南波面黑西樵破碎下

九江片片飛濤有山色江皋亭子立骨格編茅吹
起軒雨翼有似黃鵠負大力忽然斷散收不得挿
沙飲海萬矢直要與雨勢爭相射萬家村瓦一霑
靈雨點星明重如石仰視嵯峨大鐵圍太山急作
鴻毛擲我從靜中視吹息帽簷載風身倒側寥天
一角蛟龍氣斷虹千丈元黃跡滄江返照扶桑枝
爛銀堆裏三山碧

就樹堂寄郭山人

愛爾就樹堂瓦脊俯山木終年花繞牀每夜葉打

屋紙窓明短檠梧雨奏哀玉古斃春陸離新花露
芬馥畫成碧山曉海日照簷竹

叢蘆

黯偃叢蘆十里長春山無影水無光夜漫露重疑
花白睡忘風多但雨涼昨日青蓑理煙艇故人赤
牘下江鄉去迷住著歸何定報與才春百里糧

種竹十四

韻分葉烟閣
外小竹

一角新居地三竿小閣孫未分異氣土曾過別家
園增得當心日無傷放手根烟啼上番淚影削故

人魂晝正泥俱暖秋前葉可繫熱宜汙下種涼待
酒醒喧預想花迷路寒潮夜入邨於時舟繫岸圓
月碎侵門水碧交天色霜濃冰石痕晚雲垂地重
夕火隔林昏夢去風猶住詩艱袖欲溫物遲高興
後事舉夙心存屈指人何識扳枝泣自吞十年仍
五月永別託長言

村晚

風雨入空邨江天空閉門花浮別夢去燈付怨蟲
昏前路惟華髮歸時憶故鄉長卿何事好多病道

彌尊

寄蓋臣石帆

日出籬根積水東船頭花影覆天紅探春歸課高
低雨惜別頻更離合風引疾老兵楊左肘辯才居
士宅環中可於湖口煙波裏書畫逃名憶釣翁

多雨

五年一厭今年雨甲子霪霪犯昔聞映水送光斜
掩冉隔林懸碧正續紛鞶依臥榻蒼闕蘚花翳香
泥濕漚雲尚喜早禾延晚日暮邨晴鳥正喧羣

雨歇

塞溪惟樹影影外漲天光下見晴空鳥風恬定不
翔氣清吾病損詩澀物情荒雨歇成何事齊書紛
滿堂

西潦

西潦入東海濁潮如卷雲
邨疑浮地去波欲割山
分斷霓收殘雨叢蘆展夕曛
田中聊笠屐夫道故

交聞

張靈峰送葵扇

岡州葵扇俗易得得自詩人爲可珍浪說籠蕙葉
作席但驚蝴蝶翔如輪雲隨東山脚下屐風墊白
沙頭上巾明月江邨宜病肺搖搖花影夜懷人

五月

五月江田熟江皋集鳥喧黃泥瓜蔓水白腹荻牙
豚長日兼餘閏新詩喜故園留京張叔子 朝報

過柴門

曉色

村色靜復靜天光分未分湖陰紅展日竹冷碧垂

雲海雨畱魚氣潮田起鳥羣病多辭晏臥東面漱
氤氳

望三忠廟風雨

雲起大夫峰靈潭上黑龍雨渦邨口岸海嘯廟門
松士氣寒潮盛山愁古黛濃最傳趨百怪江縣夜
聞鐘

己酉龍眼詩

年年園果誤歸人龍眼初黃顆顆勻此別扳枝出
手遠六年時薦飮盤新辭鄉荔紫梅黃後去歲秋

分白露旬是日歸舟掣難大過時嘉樹感風塵

予以

甲辰五月去家戊申八月挈家還里至
今已酉閏月始一嘗故園龍口故云爾

竹

東牆才幾個暮景靜蕭蕭子舍分根邇爺枝隔歲

遙

廣州諸山縣人呼一年竹曰祖竹
二年爲爺竹三年孫竹則多矣

風情且葡萄

畫意已溪橋深碧秋燈夜何時稱沈漫

渡頭

山影隔江橫嵐光入水清渡頭涼雨過人面夕陽
明鳥下喚新種魚迷趁落英何能忘溫飽慚此外

無營

暝色

暝色天邊樹深青接海昏鴉呼獨樹汎雨掛夕陽
邨松霧濃沾瓦花流曲到門何人入遙夜相望役
吟魂

風夜寄友

風起暮邨喧暮鴉深無人處有飛花花判去住從
波力夢苦浮沉驗鬢華虛壁寸燈搖薜荔秋江長
雨憶葭蒹人間五月君珍重也莫羊裘付典家

今朝

幾日風雨劇今朝如好春燕酣風婉軟花凍雨精神
漲汨詩心濶雲膚晝本新江皋吾自幘人海汝紅塵

夜景卽目

竹扉風碧隔溪燈露野濕明黏樹螢不辨海含何處雨漸窺雲歛半池星坐忘眼界吾喪我吟破豪芒天選形忽聽曙禽流軟語山光涼潑滿湖青

偶出縣城不及見黃虛舟歸舟有作却寄

三首

白鳥飛破水雲陰青蘿嶂下青天深嫌他一出照
人眼無處使人無處尋

斷續熱雲撒白雨東南赤浪漲炎風天沙一轉三
分舵欲掣西樵入海東

山裏小城城裏山風潮入汝小窗閒寧知有客身
如葉軒輦雲濤苦往還

諸君載妓邨口避暑請書歌扇

得曾炎熱窄坐受水雲寬煙絮綺衫暖冰釵照鬢

寒天低沙一畫雨及樹爲團歌舞中年絕晴陰百
態看

村舍寒夜寄梁作人

窮冬海氣吹雲黑虛室燈光對眼青憶汝詩輒長
至夜繞廬花罨別愁冥梅店北看大庾雪江天南
翳少微星前途他夕懷君處日日勞勞送客亭

五百四峯堂詩鈔

卷十九終

五百四峯堂詩鈔

卷二十

順德黎 簡簡民撰

庚戌年

庚戌三日至六日風雨甚寒時假裝已迫
欲息勞身假暖春春來風雨更勞神天南夢夜先
愁雪嶺北花時亦作塵不厭蹇驢驅賤子恐虛連
騎誤慈親行藏鏡裏看頭腦可稱冬烘一解巾

桃花

往歲桃花西隔鄰日斜紅雨送青春卽今春色催

行客却是花閒作主人

新買鄰園
遂得此樹

風攬餘寒猶慘

淡日趨傷別與逡巡得非青鳥啣來種細數殘開

報老親

于前有詩藥烟小閣試春望
福緋桃開處光言此花也

燕

故宅連新宅新巢舊燕移樹涼深避雨花濕易涎泥似我沾慈愛聞人語別離他宵門口月歸夢汝

先知

李花十二句

今日暖不雨此花繁護枝露叢愁翁蔚風處眼迷
離淺白照別酒無言低怨頤後園新鑿井初月亂
穿籬客計南安去梅開北嶺時心傷出門急春豈
入關遲

春波行

春風吹波初燕飛桃花入船滿我衣我云行矣出
溪曲萬花憔悴千鳥啼碧波落照近路晚綠樹接
天遙夢歸我行中途正春仲水遠山平日相送未
愁行子忘行程爲恐鄉心忤鄉夢願將春夢託風

潮上下江波續暮朝斷腸聽說胥江水江水東流
魂莫招

雨

邨風煙霧香花上細雨落雨色及海色一去兩漠
漠近沒白鳥影遠浮碧山腳蒼然動黃昏晚澗
無着潛起高柳外低壓春亭角遙知故人意扁舟
出香國春愁碧雲合歸夢去帆弱我行正夷猶離
居已蕭索花竹翳青檠雲水亂濕柝江鄉且信宿
冰天試魂魄山水待畫師前路足旁薄白袷紅木

棉晴日天宇廓

邨居寄北試同年諸相知

慈鳥羽翼瘡實以哺親饑何來鶩鶩羣相與憐其私迢迢上天路欲挾同奮飛誓將傍日月不自慚羽儀遂聚三月糧得及千里期一半留空巢一半行自隨老雄送其雛查查鳴不悲望巢遲徊去鼓翼嗚咽嚦是夕明月高照見樹南枝一葉庇病雄三匝號禿雌孤雛感精氣忽自飛南歸歸及故林外族類聞啁啾哀呼入其巢日夕無休時日夕呼

稍休性命危且微巢中母與子病吟相對棲滅如
桓山鳥所生惟兩兒大兒去謀食十年歸路迷年
年訴來鴈寄慰心依依江湖竟天闊春秋將語遲
小兒心力竭無那何所施呼佛學波若皈命恒受
持白露一寸身昊天無極慈嗟予命輕薄譬我則
若茲諸公氣袞袞正似含煙螭

君親理一軌通塞時有宜行當靡章綏勉力答
所知肯念雲海東尚有大布衣賴叔爲老母舍肉
饋甘肥貢公賴知我岸冠彈垢泥待艸希有賦一

寄慈鳥詩

護花木於後園作

先人手種花人逝花欲槁或言欲生之須與挂素
縞芸芸萬物性天人各呈巧有知自天子無情乃
人造心氣之所通理近事冥杳仰視空蒼蒼泣血
頰碧艸一艸與一木苗裔自皇考政欲佳子弟愛
惜如指爪明月夜漠漠白露秋皦皦恐有詩老魂
覓句此幽討書味閒燒筭生涯習嘗蓼善果出嘉
林嘉林無惡鳥或言其人死所植須挂白不即枯果然

來禽

新種花木
佳鳥卽來

雙鳥今日來疑此遽蒼綠見人稍去遠嚶嚶語高
竹主人槁木形反覺勞汝飛我方謝機事汝自入
於機幽林吾客汝莫學燕啣土今年王家梁明年
謝家戶

雨漲

風雨西北來聲勢塞九衢遙知四海水立赴東南
隅扶桑沃焦石吸一而百餘雨師笑大壑飲量誠
區區陟高望海島覆旣疑有無顧眎所住邨一葉

帖江湖昨日龍攬水逆海灌空虛空中墮船蓬有
似投林鳥忽復起旋轉蒼鵠盤浮圖邨邨擊神鐘
百怪驚且趨不知聲洪洞益助風雨粗橐籥一振
蕩黍稷廻膏腴靜者雷電中笠屐提胡盧板橋水
拍潑人跡苔模糊白鷗眼炯炯隔花相呴呼畱客
晚飲酒酒邊西日徂

邨人叩鑄
以禦龍云

雨一首咏懷寄同年諸公

江縣幾一月日日西北雨疑從元冥天掀捩萬猛
弩勢吹鐵圍頽氣待海潮鼓潮光渟諸邨雲脚塞

四堵行人雨外望雷叫日卓午過項忽一掃脚熱
灼乾土但見雨與日散漫無處所四郊上野氣浮
浮若炊釜我屋翳林木層葉蔭廊廡續續接殘滴
幕幕延陰昈謝客似仲蔚披卷如向詡鬱鬱平生
病清冷襲肺腑北想中原路沙磧正夏五歎歎空
低垂不得試辛苦忸怩

君親閒所學無小補忽然過四十養疴戀林莽千

秋千叟宴萬古

萬壽主希有

今大禮匈中浩擇挂身生

聖明世無由眼親覩以茲轉悒快幽獨慚仰俯
京華多故人得意不知暑南望雲霧中少微近牛
女綠蓑濕颼颼煙艇釣風渚

小園卽目三首

雨後月前行獨來園西雲外晚輕雷瓦聲忽過東
鄰遠月下白蓮含雨開

竹風亞枝雨點重一點着衣寒斗生劇愁花晚力
憔悴點點到花花益明

曲曲空籬未繞花已令明月井交加寒簾露朶清
秋夕可愛窗燈掩冉遮

晚涼

江皋晚涼潤雲色送人歸風緊蟬嘶日花斜燕掠
衣燈兼園水動露入嘯篁稀夜短眠無安吟多病
悔非

雨後歸櫂作

江濶雲涼舟正輕歸雅天外半陰晴波恬皺縠帆
腰弱雨直懸繩日脚橫傍晚邨烟平樹白將秋樓

閣暝山明花深溪曲人何見颯颯漁蓑狎鳥驚

寄邱東河先生

羨說齊州九點烟羅浮獨躋地行仙碧環貝闕空
觀海青冤雲樓遠夢天屈子及門餘宋玉漢皇徵
使附張騫逢人莫誦當時體于我無如負郭田

當時

解重盧王體終古誰憐屈宋心先生前年寄贈之句

寄潘景最三絕

花午暗沈茶竈煙瓦聲圓夢雨迷川山頭城影城
頭樹水底天光天上船

一夜南風一斗花
澣花黃葉雜燒茶
五楞樹底鐫

新記二百年中此故家

潘有三欽子樹甚大爲樹作記蓋數世講學其下也

又名五
楞子

問兒驚別十三年語已波瀾思涌泉笑爾閑居窮

不得買書先準買山錢

與潘君一別十三年
五十以後連舉五子

夕照歌二首

雨晴野氣匝雲涼艸軟風低動夕陽一抹亘天空
不見海東樓角赤光芒

江口千帆去定迴江心殘照合還開鷺捎雲斷歸

風急海白天青秋色來

西齋夜談作詩示伍楚園

尚材

憶昔同學初我長君一齡比肩十二三載呼我爲兄貧賤三十年離合風水萍惟此幾日夕同被復同行君身卓玉立鄉里知陳平讀書以命脈實地起聲名常使我眼內參立前崢嶸何爲控黃鵠蹭蹬隳青冥我髮已漸白君衣難一青古人似子者今時尤世情縱橫得連騎憂患成六經去彼問我舌取此正吾生士有死乃貴道將櫻後寧今日大

赤熱雲密殷雷鳴入夜竹翛翛警衣露泠泠雖無雨一暘庶幾病亦輕天道有往復人事同胸盈退恬進則順氣靜文自誠勉哉楚園子大器庸晚成廣術懷和珍歌哭誰爲聽

苦熱旣雨而病病中書短句與楚園廉父
鬱鬱立秋後甚熱過三伏嘆風忽尖寒一雨痛病
緣中園驗花葉憔悴等炎酷漸見生理潤反畏天
氣速况我病夫子橐籥凜所觸陰陽動微細消息
切肌肉外邪善鑽隙中熱忍煩促占無勿藥喜病

苦不遠復今晨起徘徊行雲廓淒蕭淵渟指鯢桓
天清厲鶩目遽遽臥一醒颯颯悲已足重以二子
者相視笑局局生涯疾干沒勞薪加濕束多憂道
之障少安身不辱貧窶君匪病支離我全德

抱病

我譏盧照鄰荒代困多病後人亦笑我支離貧

明聖昔聞犬子貧捷得狗監徑作賦遊天地致身
亦時命古者喧千秋我何守獨行甘心食荼蘖苦
節託歌詠覃思奏唐虞堅欲汰衛鄭風雅斯未能

文質或偏勝短智誠侏儒高足轉徑庭惟

皇道蕩坦多士絕鑽競冶鎔金無言霜厲鐘自應
靜通進退理臥識艸木性夢寐恬風波言語展比
興茅心但須介筆舌非敢佞致遠恐自泥知止入
於定花竹費日月豪髮數坼逆地萌苗心機天籟
集虛聽示病云何滅益生幸能正後途戒突梯前
轍如破甌

題石床

書展風翻盡杯空雨過留蘭泉四角轉花月曲籜

秋故宅悲桐下佳人拂石頭歸魂愛吟弄新得此

林邱

月下江上

詩思喜秋清天光入海平月流行不動風艦去無聲
我是浮槎客何當上玉京廣寒空霧露十倍水

鄉明

棠棣

扶病又傷離阿那棠棣枝故招人有恨不信汝無知
翠葉涼堪惜黃英秋可疑洞庭羈客夢歸誤菊

花籬

吾兄海樵先生
生客楚南

秋風

中夜西風勁疑吹月倒行海光漫地白波勢落天
聲屋壁虛浮氣琴絃燥自鳴吟詩愛秋好扶病畏
衫輕

秋晚

吟苦秋風緊詩人如暮蟬白雲碧水底黃葉葛襟
前艸弱無暄氣鴉寒語澹煙匠心時物內供得答
流年

扶竹

高風撼枝葉竹汝未根深致遠他年事相憐今日
心何人將此義伐杖莫同林可自支寒得青青者
子衿

風勁拗我牆頭竹

本以孤難立非關絕地高可憐青眼內相望白雲
勞愛我同烏屋終朝損鳳毛溪門綠波影花月夜

蕭騷

秋園咏物寓懷

十首

杜老愁風雨韓公有屋廬

四朝踐樂土一物隸安居謀食操恒產憂生託著書衆芳秋漸晚春菜及冬餘

宿雨靜初暞西齋開北園白花孤更冷紫葉老先暄稚子筭筐露先生苜蓿益晨餐復何有魚婢閒

龍孫

切筭爲絲醯而酸之以佐小魚俗呼爲魚龍羹也筭筐皆平聲

晚飯剝紅鰯秋襟闊落花天吹白雲盡日上紫薇斜淨地藻荇水小牕蘿月紗病多吟况苦多謝露

曉鴉

竹圍黃土墻
墻外大烏岡
寸碧窺人出
寒空落影長
水籬浮鷁首
小海
秋鱠下魚塘
名
張翰平生事
區只故鄉

初黃一丈菊
碎紫五楞花
苦稱先生饌
酸宜學士家
晚香茲老圃
託跡亦匏瓜
艸木非無爲
林泉卽有涯

吏部有佳句
讀書松桂林
里門今日眼
喬木百年心
錯節畸人性
香醪瘦鉢斟
吹笙層閣坐
邀飲衆仙臨

中園雜牽植幽意屬寒松朋友無雙士朱明割一
峯蟄龍養雲雨噶矢報笙鐘且媚方墀月秋陰不
甚濃

松側石筍

昔年八桂林黑石半城陰林大日月古城寒雲雪
深故根遷地暖邊艸倦游心招隱淮南作秋風倚
暮吟

桂林府城半以黑石

鳳艸姿姿尾雞花岸岸冠薦風絲蔓捷蘭露蕊珠
寒四美剛柔性初霜紫翠瘢秋梨洩春色月瑩玉

珊瑚

珠蘭一樹花盛香絕

偶工詩遣瘞不競物疲神芳節隨時換才思可日
新東方餘一士北夢警雙輪許 國時猶遠微軀
繫老親

寄慰石帆

復有西河哭仍知東郭貧兒生憂出骨心死病勞
身怕夢醒辭枕驚魂慰避人千秋姓名在努力奉
嚴親

夜雨

風攬輕陰雨欲來干沙鳴瓦走黃埃雲邊廓廓餘

光日村角浮浮不定雷吹笛昨宵猶月艇沾衣和

氣憶春臺有田雖少成家祭花入秋漿夜雨催

南
方

晚造禾七八月得夜雨則殺螟而大熟

野色

遙天合野色似落海西頭有岸江光接無風口氣
浮低鷹斜勢起孤樹澗寒收不覺驚衣袂吟軀病
感秋

獨立

水光搖獨立橋底見青袍杖影陂龍化肩寒渚鶴

高物情秋不俗詩苦自徒勞昨夢征塵裏看雲撫

大刀

李生相訪移舟溪曲飲我四松下作歌贈
之

道人門外一灣綠欲致芙蓉媚深曲未能花下繫
爾舸且飲松根聽我歌四松高曾手所植今朝新
雨洗古碧故延風日恒清冷遙識兒孫有佳客壓
床春注玫瑰香洗盡秋開沆瀣白一時質味失故
態氣作松花青水色道人平昔不沾唇况復憂戚

纏其身君交有道飲有量興爽得秋和得春知君
愛我一曲鑑湖水清夢與我鷗鳥親明年君來莫
辭遠芙蓉覆天秋水晚隱約門前艤釣舟誰知花
裏臨溪館

慈度寺松障歌

有序

慈度寺晚飯訖與致師觀嘆門外巨松其半
已爲榕矣物之障物如是也夫作歌請師去
其厄

飢烏食榕不果腹飛入空邨啄大屋屋山橫雨海

刮風竄逐風勢飛入松邨靜月寒衷徹骨尾勞畢
逋落口寶胡鬚匝匼古甃莎長帶窈窕山鬼蘿竅
虛輶樂鼠塞竇根攀逆沫蛇盤窠年深物化若蒙
轆攝迷毀體如病魔之而鱗甲身半露掙攖風雷
氣憑怒痛箝不放入定身解縛誰能持咒護千縷
滄波歎齧痕前朝老衲手爪存可憐是病非四大
當此直指不二門吾師慧劍金剛寶此物根塵葛
藤老漫留不割說法了此法要使人盡曉此法既
使人盡曉一聲霹靂笑絕倒是時冰雪歸故林吾

與居士觀其心

廉甫楚園坐石床論詩子掌檠入廻見之
不省苔垣夕日移藤陰香暗動秋籬蒼涼花影青
燈外凌厲詩心白露時前輩流風何李遠悲歌結
習鬼神疲後賢亦自多岐在轉恐多師失我師

歐孝廉

德桐

南歸贈之

前年初送君入關士氣直爭風雪盛今年遠聞君
出京客心急與秋鴻競踏雲稍試騏麟蹶捐日
未殺鷗鷺勁卽今塵土聊垂首懷古經過展游興

君知狂簡溷漁樵時有畸士問名姓十年詩句到
上國一往宗門猶下乘新來簡練立地脚頗覺真
實發天性長途君先着一鞭寸珠僕自走兩脰要
令金璞出南鑛盡作珠璣旋北柄可憐昔日筆建
瓴半挫中年室懸磬粗得三食果腹反近求一語
安心竟故里弟寒兄寄纊北堂毋瘦兒多病古言
貧乃士之常身防老者人所敬亟須畊種還帶經
欲就孝友觀爲政中園靜坐妄自少外道伎倆戰
必勝喜栽草木達人氣漸忘日月轉吾命得君儒

流志通素似我山色身清淨合同摩詰住衆香况
有王筠資十詠何時過我慰殘懷先遣將詩相音
息馳贈謾來一水孝廉船且拂遠山中婦鏡

都寧山下泛舟作

上有三忠廟

西樵仄日並海光直亘一道懸蜺黃都寧半邊得
正赤盡障倒景橫相當古時地久餘氣荒石砦慘
慘風雲涼白頭神鴉語秋色朽骨老松淒夕陽海
東大鳥出晴霽水面孤青入天地看雲仰恐怪石
翻打槳下覺諸峯碎驚心漠漭烟波晚懷古幽靈

風雨至山湫盤蛟時一伸媵魚千尾星帖鱗火雲
眼燄狀奇鬼彩蠟纏絲行至人祠堂逼逐容海水
樓閣頃刻驅波旬斯須過去天人分昏暮竚窈鍾
鼓聞年深淚蘚斷碣字山下田畊滄海塵隔世離
憂急雨掃廿里抽帆緒風飽露螢漁火碧相續葭
渚蘋汀秋遂老入門幽恨靜轉添花上隙月遙纖

纖

五百四峯堂詩鈔 卷二十終